

首風

中氣虧損心腹作痛

心脾痛

腹痛

03208

脇痛

腹鳴

腰痛

脚氣附腫痛

膝腫

鶴膝風

脚發

脚弱

諸氣

疝癰

不寐

多夢

消中

# 名醫類案

六卷

名醫類案卷第六

新都算南江權集

後學

仁和余集蓉裳  
錢塘魏之琇王橫  
仁和沈煥曾  
鮑廷博以文  
重校

首風

附頭暈頭痛

菑川王病召臣意診脉曰蹶上為重頭痛身熱使人煩懣臣

意即以此寒水拊其頭刺足陽明脉左右各三所病旋已病

得之沐髮未乾而臥診如前所以蹶頭熱至肩史記○又見尸蹶門

魏王操苦頭風作輒心亂目眩華佗針膈膈上隨手而愈魏志

有人每頭眩則頭不得舉目不能視積年華佗悉解其衣且

熱厥頭痛

痙厥頭痛

倒懸頭去地者三寸以濡布拭體令周匝視諸脉盡出色仍命其徒以鈹刀決脉五色盡視赤血出乃下膏摩被覆汗出周匝以葶藶散飲之旋愈

三國志

一人稚年氣弱於氣海三里穴時灸之及老成熱厥頭痛雖嚴冬喜朔風吹之其患輒止少處煖及近烟火其痛輒作此灸之過也東垣治以清上瀉火湯尋愈

一婦人疇昔有脾胃之症煩躁間顯胸膈不利而大便秘結時冬初外出晚歸爲寒氣拂鬱悶亂大作此火不得伸故也醫漫投疎風丸大便秘行而其患猶爾繼疑藥力微益以七八十丸下兩行而其患猶爾且加吐逆食不能停痰甚

# 腦痛

稠黏而湧吐不已、眼黑頭旋、心惡煩悶、氣促上喘、無力、心神顛亂、兀兀不休、口不欲言、目不欲開、如坐風雲中、虛頭痛難堪、身若山重、溼四肢厥冷、寒寢不能安、夫前証胃氣已損、復兩下之、則重虛其胃、而痰厥頭痛作矣、以白朮半

夏天麻湯

方載丹溪

近代曹州觀察判官申光遜言、家本桂林、有官人孫仲敖、寓

居于桂、交廣人也、申往謁之、延於臥內、冠簪相見、曰、非慵於巾櫛也、蓋患腦痛爾、卽命醇酒升餘、以辛辣物、洎胡椒、乾薑等屑、僅半杯、以溫酒調、又於枕函中取一黑漆筩、如今之笙項、安於鼻竅、吸之、至盡、方就枕、有汗出、表其疾立

氣弱頭痛

愈蓋鼻飲蠻獠之類也。玉堂閒話

羅謙甫治栢叅謀年踰六旬春患頭痛晝夜不得休息詢其由云近在燕京初患頭昏悶微痛醫作傷寒解之汗後其痛彌篤再汗之不堪其痛矣。虛遂歸每過郡邑必求治療醫藥大都相近至今痛不能臥且惡風寒而不喜飲食羅診之六脉弦細而微氣短促懶言語內經云春氣者病在頭年高氣弱清氣不能上升頭面故昏悶爾且此症本無表邪汗之過多則清陽之氣愈受虧損不能上榮亦不得外固所以頭痛楚而惡風寒氣短弱而憎飲食以黃芪錢半人參一錢炙甘草七分白朮陳皮當歸白芍各五分开

# 頭風

## 風熱頭痛

厥柴胡各三分細辛、蔓荊子、川芎各二分名之曰順氣和中湯。食後進之一飲而病減再飲而病却。定方君臣佐使之妙可以類推

呂元膺診一貴者兩寸俱浮弦大浮爲風弦爲痛且兩寸屬上部告之曰明公他無所苦首風乃故病也蓋得之沐而中風當發先一日則劇劇必吐而後已渠曰然余少年喜沐每迎風以晞髮故頭痛之疾因之而起誠如公言乃製龍腦芎犀丸遂瘳

戴人治一婦頭偏痛五七年大溲燥結雙目赤腫眩暈實以療頭風之藥靡所不試且頭受針灸無數戴人診之急數而有力風熱之甚也此頭角痛是三焦相火之經乃陽燥

濕熱頭痛

金勝也。燥金勝肝，則肝氣鬱。肝氣鬱，則氣血壅。氣血壅，則上下不通。故燥結於中，尋至失明。以大承氣湯投之，入河水煎二兩，加芒硝一兩，頓使飲三五服，下泄如湯，且二十餘行。次服七宣丸，神功丸以潤之。菠薐菜、猪羊血以滑之。三劑外，目豁首輕，燥澤結釋而愈。按此所以治之症，既已多年不解，豈非風溼熱三氣鬱滯膠固而然耶？故其所施之法，雖峻而於中病之情則得也。

祝仲寧治耿祭酒病頭暈，翕翕發熱，淅淅惡寒，醫以爲感冒。

投辛甘發汗之劑，汗出不已，腹滿作渴，讖語發癰。醫繼以爲暑所中，祝曰：此非一時寒暑可致，乃積溼熱在足陽明。

風毒上攻

偏頭痛

大陰經故疹乃見投以除溼熱補脾胃瀉陰火之劑尋愈  
奏鳴鶴侍醫也高宗苦風眩頭重目不能視召鳴鶴診之鶴  
曰風毒上攻若刺頭出血少血即愈矣實太后自簾中怒曰  
此賊可斬天子頭上豈試出血處耶上曰醫之議病理也  
不加罪且吾頭重悶甚苦不堪出血未必不佳命刺之鳴  
鶴刺百會及腦戶出血腦戶禁刺非明眼明手不能上曰吾眼明矣言  
未竟后自簾中稱謝曰此天賜我師也賜以綰寶  
裕陵傳王荆公偏頭痛禁中秘方用生棗朮汁一蜺殼仰臥  
注鼻中左痛則注之右右痛則注之左或注之左右皆可  
數十年患皆二注而愈荆公云曾愈數人矣

氣血虛痛

太陽作痛

風痰頭痛

俞子容治一婦人年踰五旬病頭痛歷歲浸久虛有治以風

者有治以痰者皆罔效脉之左沉寸沈遲而芤曰此氣血

俱虛也用當歸二兩附子三錢一飲報效再飲其病如失

薛已治尚寶劉毅齋怒則太陽作痛虛用小柴胡加茯苓山

梔以清肝火更用六味以生腎水更不復作

一人舊服芎藭醫鄭叔能見謂之曰芎藭不可久服多令人

暴亡後其人無疾而卒又一婦以腦風而久服芎藭其死

亦如之張杲云此二事皆渠所目擊者筆談

潔古治一人病頭痛舊矣發則面頰青黃厥暈眩目慵張而

口懶言似虛體沉重太且兀兀欲吐此厥陰肝大陰脾合

病名曰風痰頭痛。痰以局方玉壺丸治之。更灸俠溪穴。

陽胆 六 尋愈。

子和治一僧頭熱而痛。且畏明。以布圍其顛。上置冰於其中。日數易之。此三陽畜熱故也。熱乃灼炭火於煖室。出汗涌吐。三法併行。七日而瘥。

一婦人患偏頭痛。一邊鼻塞。不聞香臭。常流清涕。或作臭氣。一陣。治頭痛之藥。靡所不試。罔效。人莫識其病。有以爲腦癰者。一醫云。但服局方芎犀丸。不數十服。忽作噎滯。突然出一錠稠膿疾愈。

一人患頭風。自顛下左右。有如兩蚯蚓。徐行入耳。復從耳左。

右分上頂左過右右過左頂上起疙瘩二塊如猪腰然前

後腦如鼓聲襲襲然冷痛甚須重綿帕包裹疼甚四肢俱

不爲用

冷痛疼甚四肢不爲用似乎虛寒症不知屬乎實毒須細心臨症

醫效罔奏後得

一方用四物各一錢皂角刺一錢草薺四兩猪肉四兩作

一服水六碗煎四碗去查其藥汁併肉作三四次服服至

二十劑減十之三四十劑減十之六百劑乃安愚詳此證

非頭風也其人曾患徽瘡頭塊墳起皆輕粉結毒故草薺

爲君

用草薺非熟讀本草不知其妙

四物養血皂刺爲引用多服取效也

江篁南治從嬌年四十冬月產後以傷寒發熱自汗兩太陽

痛上連於腦徹痛甚日夕呻吟不得安寢以補中益氣湯

氣虛

氣血兩虛

加蔓荊子川芎當歸細辛少許一服痛減再服乃安。

翟文炳治陸母年七十頭響耳鳴頂疼目眩面麻腮腫齒蘇  
脣燥口苦舌強咽腫氣促心驚膽怯胸滿痰滯脇腫腰痛  
足軟膝疼已二年矣近一月來至不得眠惟人扶而坐稍  
稍欹臥卽垂絕翟診視知氣挾肝火而然先與抑青丸一  
服卽時熟睡醒後諸症如失仍服補中益氣調理而痊。

程文彬治一婦人患頭風雖盛暑必以帕蒙其首稍止畧見  
風寒痛不可忍百藥不效蓋因腦受風寒氣血兩虛氣不  
能升故藥不效令病人口含冷水仰臥以生薑自然汗少  
許灌入鼻中其痛立止妙法遂與防風羌活藁本川芎甘草

數服而愈。

江少微每治火症頭痛用白蘿蔔心自然汁王荆公法吹入鼻中

卽止有兼眼目不明者加雄黃細末調勻如左患滴右耳

右患滴左耳又有頭風兼眉骨痛者用活龜一個用新瓦

二片置龜於中四圍鹽泥固濟烈火煨出青烟爲度待冷

去腸殼用四足併腹肉入小口餅封固如遇此症先吹蘿

蔔汁次以龜末吹入鼻卽愈方妙又予每勞役失飢則額頭

痛用補中益氣湯立愈

# 心脾痛

卽胃脘痛

琇按是症多有肝木挾火上乘于胃時  
師不察類以香燥投之暫愈復作致成  
開格勞瘵者多矣

東垣治一婦人重娠六個月冬至因慟哭口吸風寒忽病心痛不可忍。渾身冷氣欲絕。曰此乃客寒犯胃。故胃脘當心而痛。急與草豆蔻、半夏、乾生薑、炙甘草、益智仁之類。或曰半夏有小毒。重娠服之可乎。曰乃有故而用也。岐伯曰有故無損。故無損也。服之愈。

羅謙甫治江惟漕運使崔君長子年二十五。體豐肥。奉養膏

粱時有熱證。友人勸食寒涼物。因服寒藥。至元庚辰秋病瘡久不除。醫投以砒霜等藥。新汲水送下。禁食熱物。瘡病不除。反加吐利。脾胃復傷。中氣愈虛。腹痛腸鳴。時復胃脘當心而痛。屢易醫罔效。至冬還家。百療不瘥。延至四月間。

瘧病

久因勞役煩惱前症大作羅診之脉弦

細而微弦主痛微細則

爲虛寒

手足稍冷面色青黃而不澤情思不樂惡煩凡食少

微飽則心下痞悶嘔吐酸水發作疼痛冷汗時出氣促悶

亂不安須人頰相抵而坐少時易之內經云中氣不足洩

爲之變腸爲之苦鳴下氣不足則爲痿厥心急又曰寒氣

客於腸胃之間則卒然而痛得炁則已炁者熱也非甘辛

大熱之劑則不能愈乃製扶陽助胃湯方以炮乾薑錢半

人參豆蔻仁炙甘草官桂白芍各一錢陳皮白朮吳茱萸

各五分黑附子炮去皮二錢益智仁五分作一服水三盞

薑三片棗二枚食前溫服三服大勢皆去痛減過半至秋

先灸中脘三七壯以助胃氣次灸氣海百餘壯生發元氣  
滋榮百脉以還少丹服之則善飲食添肌肉潤皮膚明年  
春灸三里二七壯乃胃之合穴也亦助胃氣又引氣下行  
春以芳香助脾復以育氣湯加白檀香平治之戒以鬱忿  
室慾慎言節食一年而平復

滑伯仁治一婦人盛暑洞泄

裏

厥逆惡寒

表

胃脘當心而痛

自腹引脇轉爲滯下嘔噦不食醫以中暑瘧亂療之益劇

脉三部俱微短沉弱不應呼吸曰此陰寒極矣不亟溫之

則無生理

舍時從症

內經雖曰用熱遠熱又曰有假其氣則無

禁也於是以薑附溫劑三四進間以丹藥脉稍有力厥逆

漸退更服薑附七日衆症悉去遂以丸藥除其滯下而安

先固其原  
乃攻其邪

丹溪治一人以酒飲牛乳患心疼年久飲食無礙非大虛寒雖盛

暑飲食身無汗

身無汗而大便或秘結非寒可知

醫多以丁附治之羸弱

食減每痛以物拄之脉遲弱弦而濇

遲弱似虛寒弦主痛濇屬血虛若但主脉

而不合症則用丁附矣

大便或秘結或泄

有又苦吞酸時七月以二

陳湯加芩連白朮桃仁郁李仁澤瀉每旦服之屢涌出黑

水若爛木耳者服至二百餘貼脉濇漸退至數漸添純弦

而漸充滿時冬煖意其欲汗而血氣未充以參芪歸芍陳

皮半夏甘草服之痛緩每旦夕一二作乃與麻黃蒼朮芎